



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. XIII. De Jurisdictione Clericorum Episcopis inferiorum.

urn:nbn:de:hbz:466:1-38227

530 TRACTATUS DE LIBERTATIBVS,
defendat , onus cum eis portet , rationem cum eis redditu-
rus ; imò qui eos errantes revocet , ac etiam reos plectat ,
ut , & illorum saluti , & gregis eis crediti utilitatibus con-
sulat . Nam , ut monet S. Leo in epist. 84. supracitata ; qui
scit , se quibusdam esse præpositum , non moleste ferat aliquem sibi esse pra-
sum : sed obedientiam , quam exigit , etiam ipse dependat .

12. Iniquum esset , ut summorum Pontificum humilitas ,
ac modestia , minus promptos ad reverentiam , aut obedien-
tiam efficeret . Certe S. Gregorius humillimus , ac mansue-
tissimus , quamvis juxta proprium præceptum omnibus bo-
nis se præberet æqualem , aliorumque Pastorum honorem ,
suum duceret , omnium tamen se Superiorem profitebatur ,
dum id cujusvis culpa exigeret . Nam epist. 65. lib. 7. qua-
est ad Joannem Episcopum Syracusanum sic scribit , occasio-
ne Episcopi Byzaceni Provinciæ Africæ , de criminis accu-
sati ; *Quod se dicit sedi Apostolice subjici , & si qua culpa in Episcopis in-
venitur , nescio quis ei Episcopus subjectus non sit .*

C A P U T X I I I .

De Jurisdictione Clericorum Episcopis inferiorum.

¶. **N**ihil est in sacris Scripturis , quod Archidiaconorum ,
aliorumve in Ecclesiastica Dignitate constitutorum
jurisdictionem indicet à Deo immediate profectam , sed
constat potius hujuscemodi Dignitates ab Ecclesia fuisse insti-
tutas . De origine jurisdictionis , quā potiuntur Curati non
nihil dubitatur .

2. Plures Doctores Parisienses eos putant septuaginta Dis-
cipulis successisse , quos Dominus noster Jesus Christus mis-
tis ante se in omnem locum , quo erat ipse venturus , ut haberetur apud
S. Lucam cap. 10. ideoque illorum institutionem , non solum
quantum ad ordinem , sed etiam quantum ad jurisdictionem ,
ad jus Divinum referentes , illos , sicut potestatem ordinis ,
ita & potestatem jurisdictionis à Deo immediate accipere ar-
bitrantur , quamvis Episcopo indigeant tūm ut ordinentur ,
tūm ut plebi præficiantur .

3. Ad-

3. Addunt jam tempore Apostolorum, non solum Episcopos, ad magnarum urbium regimen constitutos, sed & ceteros Presbyteros, qui minorum locorum curam gererent, qua in politia putant Apostolos non novi aliquid excogitasse, sed Christi præceptum executos fuisse.

4. Evidem S. Hieronymus Presbyterorum Dignitatem ita effert, ut eam Episcopali æquare videatur; qui tamen benignè est interpetrandus, ne communis Ecclesiæ sententiae contradicat, & Arianæ heresi, discriimen inter Episcopos, & Sacerdotes nullum agnoscenti, faveat, de quo Michael Medina eum criminari ausus est. *Sicut Presbyteri sciunt*, inquit S. Doctor comment. in epist. ad Tit. se ex Ecclesia consuetudine ei, qui sibi prepositus fuerit, esse subjectos; ita Episcopi noverint se magis consuetudine, quam dispositionis Dominica veritate Presbyteris esse maiores, & in commune debere Ecclesiam regere. Sed omnimodam certè noluit æquabilitatem inducere inter Episcopos, & inferioris ordinis Presbyteros, quod patet, cum ex aliis ejus libris, præcipue ex epist. 85. quæ est ad Evagrium, in qua ordinationem Episcopo vindicat, quam denegat Presbytero: & ex epistola 1. quæ est ad Heliodorum, in qua Diaconis tertium dumtaxat gradum assignat, primo Episcopis concessio, secundo Presbyteris relicto: tūm ex verbis, quæ immediate supra relatis adjunguntur; *Imitantes Moysen*, qui cum haberet in potestate solus praefisse populo Israël, septuaginta elegit, cum quibus populum judicaret. Licet enim Deus Moysi præceperit, quod sacer Jethro jam consuluerat, ut scilicet sibi septuaginta deligeret adjutores: tamen nemo dubitat, quin Moyses, cui reservatum est majorum causarum judicium, semper ipsis extiterit superior, etiam ex ordinatione Divina.

5. Habet quidem usus Ecclesiæ, ut Presbyteri Curati non reponantur in ordine Judicum tantum delegatorum, quibus & committitur, & aufertur jurisdictione ad libitum delegantis: sed non ita ut illorum jurisdictione dispositioni Dominicæ, non Episcoporum autoritati accepta referenda sit. Longè namque verius est, jurisdictionem illam ab Ecclesiastico jure, non à Divino, manasse. Nec enim septuaginta Discipuli à Domino missi, sunt ad plebem aliquam destinati, nec ad omne tempus, sed præmissi tantum Christo in omnem lo-

532 TRACTATUS DE LIBERTATIBVS,
cum, quo erat ipse venturus: nec etiam Sacerdotali characte-
re fuerunt insigniti, vel autoritate populum regendi, Sa-
cramenta ministrandi, vel reliqua efficiendi, quæ Pastoris
sunt propria, sed tantum cohortationibus suis Christo ven-
turo animos preparandi. Apostoli, licet similiter, atque
præstantiori modo, missi fuissent, non tamen ordinem Sa-
cerdotalem adepti sunt, donec (quod de septuaginta Disci-
pulis, quibus Curati successisse dicuntur, nusquam in Evan-
gelio legitur) in ultima cœna potestatem consecrandi, post
resurrectionem, potestatem solvendi & ligandi receperissent.

6. Apostoli quidem, & Episcopi habuerunt Sacerdotes,
quorum operâ in regendo populo Christiano uterentur, non
tamen principio Sacerdotes illos plebi speciali tanquam Pato-
res ordinarios præponebant ad vitam, adeoque illa deputatio
non ordinationi Divinæ immediate, sed Ecclesiastice poli-
tiæ adscribenda est.

7. Et quoniam jus Divinum in Scripturis habemus, ut su-
pra cum S. Augustino tract. 6. in Joan. notavimus, nullum
que videmus à Christo Sacerdotem, præter Apostolos, mis-
sum ad regimen animarum, nescio quâ ratione ipsi tribuenda
fit Curatorum constitutio immediata.

8. Hoc sanè certissimum est, jurisdictionem Sacerdotum
jure Divino Episcopali esse subordinatam, & subjectam, ut
luculenter docet S. Thomas opusc. contra impugnantes Reli-
gionem cap. 4. Potestas Sacerdotis naturaliter, & ex jure Divino subditur
potestati Episcopi, ut Dionysius probat. Sacerdos autem, qui ex jure
Divino Episcopo subditur, in omnibus est ei subjectus. Äquum igitur est,
ut Curati aliquique Clerici S. Ignatium audiant in epistola ad
Smirnenses sic monentem; Omnia vestra decenti ordine persicantur in
Christo. Laici Diaconis subjiciantur, Diaconi Presbyteris, Presbyteri Episcopo,
Episcopus Christo, ut ipse Patri.

9. Consultissimum etiam est, ut Episcopi Curatorum ju-
risdictionem, etiam si juris Ecclesiastici tantum sit, ita tuean-
tur, ut cum eis, quemadmodum monet S. Hieronymus in
verbis jam relatis, in commune Ecclesiam regant, imitantes Moy-
sen, qui cum haberet in potestate solum praefere populo Israel, Et. eisque
eo loco habeant, quem exprimunt verba tempore ordinatio-
nis ab Ordinatore proferri solita; Inservit nos traximus Domine

bac

hec ADIVMENTA largire, qui quanto fragiliores sumus, tanto his pluribus
indigemus..... sint providi cooperatores Ordinis nostri.

10. Denique servanda est mutua illa concordia, quam præscriptis Canon 17. Sardicensis Concilii; sicut ille (Episcopus) Clericis sincerum exhibere debet amorem charitatis; ita quoque vicissim Ministeri insucata debent Episcopo suo exhibere obsequia.

11. Hæc Episcoporum erga Curatos humanitas ac benignitas, ac vicissim Curatorum, aliorumque jurisdictione Ecclesiastica præditorum erga Episcopos reverentia, & obedientia concordiam parient, sine qua multa oriuntur scandala, multæ contentiones, quarum occasione vera libertas Ecclesiæ sapissimè violatur, interjectis ceu ab abusu appellationibus ad Judices sæculares.

12. Itaque sapientissimum S. Hieronymi consilium est, epistolâ ad Nepotianum; Illud etiam dico, quod Episcopi sacerdotes se esse noverint, non Dominos: honorare Clericos, ut & ipsis a Clericis quasi Episcopis honor defteratur. Scitum est illud Oratoris Domitii: cur ego te, inquit, habeam ut Principem, cum tu non me habes ut Senatorem? Quod Autem, & filios ejus, hoc Episcopum & Presbyteros esse noverimus.

13. Cæterum quotidie summus Pontifex beneficia Parochialia in omnibus Ecclesiæ partibus conferens, re ipsâ probat, Curatos jurisdictionem accipere, tunc quidem immediate ab ipso, alias autem mediante ipsius consensu. Nec cuicunque id dubium esse potest, si etiam Episcopalis jurisdictione ex eo fonte manare supponatur.

14. Certè cùm Christus totum ovile, atque oves omnes, etiam ipsos Apostolos, ut alibi probabimus, B. Petro tanquam supremo Pastori, commiserit; eiisque claves Regni Cœlorum tanquam supremo dispensatori dederit, debet, quisquis gregis portionem regendam, aut distribuendos gratiæ thesauros suscipit, à Petro suum officium ac claves petere, non propriâ sibi autoritate, aut sine illius saltem consensu usurpare. Supponitur, inquit Joan. Gerl. de potest. Eccles. confid. 10. insuper ex jam dictis, quod ex institutione Christi nullus in Ecclesia debet dare, vel suscipere gradus Hierarchicos, qui sunt purgare, illuminare, & perficere; si non interveniat verè, vel interpretativè autoritas summi Hierarchie vel Monarchie in Ecclesia sancta Dei, quatenus in ea viteretur confusio, & optimo regimine gubernetur ad exemplar Ecclesia triumphantis.